

الكتاب القيمة المخرجة الكاملة لجمعية هري الصينية

吴海鹰 主编

回族典藏全书

甘肃文化出版社
宁夏人民出版社

156

主 編 吳海鷹

副主編 吳建偉

雷興魁

雷曉靜

回族典藏全書

156

甘肅文化出版社
寧夏人民出版社

第一百五十六冊 目錄

伯篤魯丁佚集	仿古排印本	元·伯篤魯丁	一
子中集	清手抄本	元·伯顏子中	一一
買閭遺詩	仿古排印本	元·買閭	二一
滄海遺珠	民國木刻本	元·沐昂	二七
楔玉立詩輯本	清手抄本	明·楔玉立	一五七
馬端肅公詩集	明木刻本	明·馬文升	一七三
歸囊遺稿	清木刻本	明·丁儀	三一五

回族典藏全書

文獻
作者
伯篤魯丁佚集
版本
元·伯篤魯丁
仿古排印本

伯篤魯丁佚集

藝文類

伯篤魯丁詩五首 文二篇

逍遙樓

身世雲霄上，飄然思不窮。
晴山排翠闥，墓靄闕琳宮。
牧笛殘雲外，漁歌落照中。
蓬萊凝望眼，隱隱海霞紅。

（粵西詩載卷十）

文獻名 伯篤魯丁佚集
作者 元·伯篤魯丁
版本 仿古排印本

文獻名 伯篤魯丁佚集
作者 元·伯篤魯丁
版本 仿古排印本

浮雲寺

麥雲芟盡草青青，白叟黃童喜送迎。
海宇有生皆樂懌，遐荒無地不升平。
水明山秀聞鶯語，雲淡風清任馬行。
山下高人留客醉，旋挑竹筍煮魚羹。

（元詩選癸集之丁）

挽樊時中參政

主將無謀拂衆情，賢參有志惜言輕。
狐群衝突成妖孽，黔首驚惶望太平。

文獻名 伯篤魯丁佚集
作者 元·伯篤魯丁
版本 仿古排印本


奮志從軍全節義，殺身殉國顯忠誠。
歲寒橋下清泛水，夜夜空聞哽咽聲。

（元詩紀事上冊卷十八）

挽寶哥參政

香魂俊骨墜深淵，無智無謀亦可憐。
妖寇猖狂如有祟，生民凋瘵似無天。
芳名苟得千年在，死節應當二日先。
欲向西湖酌尊酒，淒風冷雨浪無邊。

（元詩紀事上冊卷十八）



文獻名 伯篤魯丁佚集
作者 元·伯篤魯丁
版本 仿古排印本

過鬼門關

雷陽任滿鬱林還，過了千山及萬山。
但願人心平似水，不須惆悵鬼門關。

（粵西詩載卷三十四）

陽橋記

靜江爲廣西都會。其城之南門，凡往來東西二道，兩江交趾，海南北諸州者，莫不由是焉，是豈特爲廣西一都會而已？城下鑿湖水，水通灘江。門南有橋曰通濟，所以利病涉。橋左右爲商賈所藏寶物番貨，以有易無，日以千百計，是又豈特爲病涉之利而已？譏徵者，亦視此爲要。至元五年冬十二月，遭火焚毀。時天沍寒，老者、弱者、傴僂而提攜者，皆病于厲揭。蓋國中之

市，當涉者衆，往往爭先，有墊溺之憂。憲司大夫患之，責于連帥，帥即擇屬官之廉且能者經營之，于是監郡教化推官唐棣、隸事長官也先下尼、臨桂縣尹吳正卿咸在是選。青庵道人胡道真曰：官愛吾民如是，尚坐視而不思補報乎？首倡居民各捐繒幣有差。經始于六年孟春，凡四閱月而成。

一日，郡之士民造余請曰：前至元癸未，重修斯橋，乃毀于今至元己卯，是豈偶然？茲落成，願乞一言以紀諸大夫士之功于不朽。余曰：夫十日配十二子，數將周六十，興廢定矣。今憧憧往來，自辰及酉不絕，又豈能保其久而不廢耶？雖然，傳曰：歲十一月徒杠成，十二月興梁成。蓋其農功已畢，可用民力也。今東作方興，民事不可緩，而乃官不知役民，民不知役力，橋成而無怨嘆之聲，此孟軻氏所謂以佚道使民，雖勞不怨者，是可書也。是爲記。

（粵西文載卷三十四）

文獻名 伯篤魯丁佚集
作者 元·伯篤魯丁
版本 仿古排印本

文獻名 伯篤魯丁佚集
作者 元·伯篤魯丁
版本 本 仿古排印本

鬱林州學記

學有廟者何？王祀孔子也。祀孔子何？尊聖道、重民教也。嶺南炎荒地遐，聯延海北、大理、交趾、雲南、夸江，犬牙交錯，溪洞深窈，憑險負固，往往鴟義奸宄，悍然梗化。鬱林介嶺海間，地曠而夸，弄兵潢池，恒勿戢上下濤張，無所于錯。州有孔子廟，在城南，右憑江津，春夏雨淫，水潦交注，輒匯溢瀾漫，殿堂、門廡悉淪沮如，蠹蝕摧朽，不可支柱矣。至正三年夏五月，真定張侯按攤不花知是州，仰瞻仞墻，陵夸草莽，下視齋舍，無弦誦聲，則喟然嘆曰：噫！吾聞爲治有美化，斯無弊民，圓顱方趾，戴天履地，豈獨無人民哉？明仁義，淳禮教，則學校所係，予何敢不力。相舊址卑墊，乃營治之。西燥剛爽塏，夫子正南面，以四賢十哲配，而後祀列在兩廡。講有堂，舍有齋，庖廩有次，皆無有缺。春秋釋奠，晨夕肄業。學舊有田，以頃計，三十有八，田

氓誣上行私，殺其租人，歲用大乏。侯立法核實，悉復舊貫，由是新群民之耳目，宣禮遜之風化，庶知爲政先後矣。嗟夫！邊徼搶懷日夕，固金湯、峙芻茭、厲弓矢、鍛戈矛以爲事，若侯斯舉，不幾論俎豆于問陣，持章甫以適越者。雖然萬古一理，萬人一心，明倫涉教，本于孝悌。昔有苗弗化，徂征之師而來格兩階之舞，後世文翁，常袞變移閩蜀，豈非藹然。詩書禮義之粹而足以化強暴，學校教化相爲終始，教化風俗相爲污隆。傳曰：有教無類。候之政能以學教民爲務，其可尚也。夫達魯花赤扎蠻丁、州判張子忠、吏目粟益皆翕然以侯之心爲心，學正吳善孫實相厥事。予曾分憲至是，故因其徵言，爲述本末，俾刻諸石。

（粵西文載卷三十四）

文獻名 伯駕魯丁佚集
作者 元·伯駕魯丁
版本 仿古排印本

文獻名 伯篤魯丁佚集
作者 元·伯篤魯丁
版本 仿古排印本

附：伯篤魯丁略傳

伯篤魯丁，又名魯至道，西域人，元至治辛酉舉進士，復至元初年任浙東浮石道肅政廉訪副使，三年改嶺南廣西道。至元元年由禮部侍郎遷秘書太監，後復出爲潭州路總管。

伯篤魯丁舊史無傳，其行事不詳，戴良記其興復浙東永嘉石門洞書院事，稱其告諸生語曰：書院據穹林雪瀑之勝，既新美矣，爾朝遊歌于是，有義理之融液，無紛華之糾葛，執業而興，充義而得，得之在我，求之在人，是唯聖師成物之仁，而亦憲臣勵學之意。又稱其有學有政，需用當時。則伯篤魯丁固一熱心教育深通儒術而學政兼爲人所稱者也。

伯篤魯丁能詩，戴良序、丁鶴年詩集列舉元代西域詩人十二，伯篤魯丁其一也。現山居新話、元詩選中有其遺詩。

子中集

文獻名 子中集
作者 元·伯顏子中
版本 清手抄本

回族典藏全書

藝文類

一一

欽定四庫全書

元詩選二集卷十八

庶吉士顧嗣立編

侍郎巴延

巴延字子中西域人其祖父宦江西因家進賢
五舉至正鄉薦辟東湖書院山長改建昌路教
授壬辰兵起行省以便宜授贛州路知事陞經
歷參政沁布阿咱布守贛辟為都事戊戌偽漢
陳友諒遣將來攻巴延出募兵應援會城陷間

元詩選二集

文獻名子中集
作者元·伯顏子中
版本清手抄本

文獻名子中集
作者元·伯顏子中
版本清手抄本

欽定四庫全書

卷十八

道奔閩右丞章完表為行省員外郎佐閩帥陳
友定復建昌因浮海抵大都獻捷進兵部侍郎
持節之廣西發兵時明師已定閩廣矣墜馬折
足為將軍廖永忠所得不屈義而釋之乃變姓
名遁迹江湖間且二十年往來居進賢之北山
創竹室三間以居洪武十二年詔搜遺逸布政
使沈本立以已延名應使者將至飲藥死子中
有學行喜談兵元亡後妻子沒入掖庭語及往